



Mesur Addysg (Cymru) 2011

2011 mccc 7

RHAN 1

CYDLAFURIO GAN GYRFF ADDYSG

5 Pwerau cydlafurio

- (1) Mae gan gorff addysg y pwerau yn is-adran (2) er mwyn cyflawni neu ei gwneud yn hwylus i gyflawni—
- ei ddyletswydd o dan adran 3,
 - ei ddyletswydd o dan adran 33K o Ddeddf Dysgu a Medrau 2000,
 - ei ddyletswydd o dan adran 116J o Ddeddf Addysg 2002, neu
 - dyletswydd corff addysg arall o dan y darpariaethau hynny.
- (2) Y pwerau yw—
- darparu cymorth ariannol (p'un ai ar ffurf grant neu fenthyciad) i unrhyw berson;
 - ymrwymo i drefniadau neu gytundebau ag unrhyw berson;
 - cydweithredu â'r person hwnnw, neu hwyluso neu gydgyssylltu ei weithgareddau;
 - arfer (p'un ai ar ei ben ei hun neu ar y cyd) unrhyw un neu rai o swyddogaethau unrhyw berson ar ran y person hwnnw;
 - gwneud trefniadau i unrhyw un neu rai o swyddogaethau'r corff addysg gael ei gyflawni neu eu cyflawni gydag un neu ragor o gyrff addysg eraill, neu gan un neu ragor o gyrff addysg eraill;
 - gwneud trefniadau i unrhyw un neu rai o swyddogaethau'r corff addysg gael ei gyflawni neu eu cyflawni gan gyd-bwyllgorau dau neu ragor o gyrff addysg;
 - darparu staff, nwyddau, gwasanaethau neu lety i unrhyw berson;
 - rhannu a defnyddio gwybodaeth er mwyn arfer unrhyw bwerau cydweithio.
- (3) O ran y pwerau hyn—
- nid ydynt yn lleihau effaith unrhyw bwerau eraill corff addysg, a
 - maent yn ddarostyngedig i ddarpariaeth a wneir o dan adran 6.